



Future-proofing our children

Sitopa sa Banana ba ba nyinyani

Toho ya Tuto

La Butanu le Linde ni Paseka

Buka ya Bashemi

Sikolo sa la Sunda sa mwa Malapa



Balatiwa Bashemi

Mwa amuhelwa kwa tuto ye li “**La Butanu le Linde ni Paseka**” ya banana ba banyinyani. Pampili ye i mifa kabukuswani kamo muka lutela tuto ye.

Mukwa mo mu kona ku itukiseza ni kufa tuto ye ka ona

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Kezo
1.	<p>Mu kene fa likepe la Keleke Yenca ya Baapositola, ka ku sebelisa likepe le fa WhatsApp:</p> <p>https://bit.ly/3NACSSHS</p>
2.	<p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> • Bibebe • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendiso za banana, ni zeñwi cwalo. • Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa litopa za Tiisezo) <p>Mamela:</p> <p>2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo.</p> <p>2.2: Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande.</p> <p>(Mu sike mwa bulela ze sa ami tuto) ya mwanana – Ki mina mu ziba hahulu mwana mina ni ku fita.</p> <p><i>Ka mulao, sikolo sa la Sunda hasi swaneli ku fitelela mizuzu ye mashumi a mane ka ye keta-lizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Taelo ya silumeli ni Tiisezo).</p> <p>2.4: Mulizeze kapa ku ikopanya ni muluti wa sikolo sa la Sunda ha mu tokwa tuso kwa lisebeliso ze bulezwi.</p>
3.	<p>Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.</p>



Mufe tuto ya Sikolo sa la Sunda sa mwa Malapa

Mukwa mo mu kona ku itukiseza ni kufa tuto ye ka ona

Lu zwela pili ku mifa mikwa, yeo muswanela ku itukiseza ni ku fa tuto ye:

Muhato	Kezo
4.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. <i>Ka mutala:</i> Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe maswaniso a tuto kuli mube ni kutwisiso hande
6.	Mu iñolele tu ñusanyana twa butokwa to mubata ku hupula ha mufa tuto.
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso zeo li fumanaha ku ama Sikolo sa mwa Malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a sikolo sa la sunda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zeñwi kuama tuto ye.
4. Muongaongi ni muluti wa sikolo sa la Sunda mwa kopano yamina ba itukiselize ku mi tusa.



Tuto

Toho ya Tuto	La Butanu le Linde ni Paseka
Palo ya Linzwi	Luka 22: 23 ni Luka 24: 1-9
Mutomo/butokwa bwa Tuto	Lu tabile kakuli Jesu wa pila, mi lu ituta ku li ki yo mutuna kwa lifu.

Kusufazo ya Tuto:

- La Butanu le Linde ni Paseka ki mazazi a mabeli a butokwa mwa bupilo bwa Balumeli.
- Jesu n'a tamilwe, ni h'a na sina mulatu.
- Maprista ba bahulu ba mu nyaza ka ku bata ku ipeya fa bulena, mi Jesu n'a si ka ikalabela kwa nyazo yeo. Ki h'a ba keta ku mu fa koto.
- A iswa kwa sibaka se si bizwa Gologota, kafoo a yo kokotelwa fa sifapahano, a nyanda mi a shwa. Balutiwa ni balikani ba Hae ne ba swabile hahulu.
- Jesu na sina mulatu kuli a atulelwe lifu, kono a eza sitabelo se kabakala luna. Mwaha ni mwaha la Butanu le Linde, lu hupula za manyando ni lifu la Jesu Kreste.
- Situpu sa Jesu ne si patilwe mwa libita mwa lihaha la licwe, mi munyako wa lona ne i tibilwe ka licwe le li tuna.
- Kasamulaho wa mazazi a malalu, ka mapakela, basali bay a kwa libita la Jesu. H'a se ba fitile teñi, ba Ifumana licwe li pikulusizwe fa libita, mi libita ne li li mukungulu. Ne ba swabile hahulu.
- Honafo feela, mangeloi a mabeli a bonahala, mi a li ku bona: "Ya pila, mu mu batelañi ku ba ba shwile? H'a yo mo, kono u zuhile!"
- Basali ba hupuliswa seo Jesu n'a ba bulelezi sona- ba ka ni kokotela fa sifapahano, mi ni ka zuha ka lizazi la bulalu. Ka tabo ye tuna ba kutela mwa munzi ku yo bulelela balutiwa litaba zeo.
- Lu ikola Paseka mazazi a malalu ku zwa la Butanu le Linde. Mwa lizazi le Jesu n'a zuhile kwa bafu. Lizazi le, li lu fa sepo ya ku ba ni bupilo bo bu sa feli ni Jesu.



Kanti tuto ye italusa sikamañi ku luna kacenu?

- Jesu n'a shwile ili kuli lu fumane swalelo ya libi za luna.
- Lu hupuzwa za sitabelo seo, mi lu na ni sibaka mwa swalelo ya libi za luna nako kaufela h'a lu ca Silaalo se si Kenile.
- Sina Jesu h'a na swalezi batu ka seo ne ba ezize ku Yena, ni luna lu swanela ku swalela ba bañwi cwalo.
- Jesu n'a zuhile kwa bafu, ili ku li batu kaufela ba fumane bupilo bo bu sa feli ni Yena ha ka taha ku to lu nga.
- Zibo ya ku li Jesu u zuhile i tisa tabo mi i lu fa sepo.

Zeñwi za lipuzo zeo lu kona ku buza:

1. Ne ku ezaheziñi la Butanu le Linde?
Kalabo: *Jesu na pahekilwe mi a shwa fa sifapahano.*
2. Kanti se si talusañi ku luna?
Kalabo: *Ku li libi za luna li fumane swalelo.*
3. Basali ne ba fumaniñi h'a ba fita kwa libita la Jesu?
Kalabo: *Licwe ne li pikulusizwe fa libita mi libita ne li li mukungulu – situpu ne si li siyo.*
4. Kanti lingeloi ne li izeñi kwa basali?
Kalabo: *Ku li Jesu n'a zuhile kwa bafu mi n'a pila.*
5. Ne ba alabezi cwañi kwa liñusa le linde leo?
Kalabo: *Ne ba tezi tabo ye tuna, mi ba y'o bulelela balutiwa.*



Litapelo za luna

Tapelo ya Bondate ni Boma ye fiwa pili tuto i si ka tateka kale:

Ndate ya mwa lihalimu

Na itumele ku Wena kwa lizazi le liñwi la lilato ni sishemo sa Hao

Na kupa u fuyole boma ni bondate. Fuyola baeteleli, balikani ba luna kaufela ni mabasi a luna

Lu lapela kuli lu ku late ni kuli lu ka latelela bashemi ba luna

Lu fuyole kuli lu kone ku ba ni sishemo ni lilato mane ni ku ba ni likute ni musa ku be lu kopana ni bona

Lwa kupa u fuyole tuto ya Sikolo sa banana sa la Sunda ye, ni kuli nako kaufela lu hupule ku itumela ku Wena ka ku lu keta ku ba bana ba Hao.

Lu bata ku inelela mwa tumelo ni ku latelela ku fitela u taha ku to lungela kwa hae.

Lu kupa ze kaufela mwa libizo la Hao. Amen

Tapelo kasamulaho wa tuto:

Ndate ya mwa lihalimu,

Lwa itumela kakuli u lu silelelize, ni ku lu lumelela kuli lu kone ku ba ni likande le linde la Bibebe

Lwa itumela kwa ku lu babalela ni ku lu sileleza kwa likozi.

Na kupa u lu tuse ku ba ba latelela bashemi ba luna, ni ku ba ni sishemo ku be lu kopana ni bona.

Na kupa u lu tuse kwa misebezi ya luna ya kwa sikolo.

Fuyola Muapositola yo Muhulu, Baapositola ni baeteleli ba keleke kaufela, mi u ba sileleze mwa misipili ya bona, ili kuli ba lu lute zeñata za musebezi wa Hao.

Na kupa u tuse bana ba Hao kaufela, sihulu ba ba kula, ni ba ba sina sa kuca ni malobalo

Taha kapili u lu ngele kwa hae

Lu kupa ze kaufela, isi kuli za lu swanela, kono mwa libizo la Jesu. Amen.